



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**F. Cornelii Cvrtili Cæsarei Consiliarij et Historiographi  
Ordinis Eremitarum S. Avgvstini S. Nicolavs Tolentinvs  
alijque aliquot eiusdem Ordinis Beati**

**Curtius, Cornelius**

**Antuerpiæ**

2. Ad ejus preces fons miraculosè salit, ægris salutaris.

**urn:nbn:de:hbz:466:1-37243**

2.  
Ad ejus  
preces  
fons mi-  
raculosè  
salit,  
ægris sa-  
lutaris.

& cum omnia non possis, saltem  
memorare aliqua ad posterorum  
memoriam. Primum omnium, satis  
constat precibus NICOLAI fontem  
Tolentini insperatò erupisse, qui  
hodieque largiter scaturit bibenti-  
bus passim ægris salutaris. Nam  
cum aquarum inopiâ laboraret mo-  
nasterium, & jam accersiti aquile-  
ges ingeniosa artis suæ instrumenta  
omnia nequidquam adhibuissent,  
NICOLAUS noster defixâ in tellu-  
rem arundine, ante aram in genu-  
accidit, erectisque ad cælum oculis  
exobsecrat eum, qui de petrâ olim  
sitientibus Hebræis undarum vim  
copiosam jussit fluere, anxiiis Fratri-  
bus nunc ostendi aquarum aliquan-  
scatebram; precibus deinde tan-  
uberes lacrimas affundit, ut credam  
fontem inde enatum illum, qui si-  
mul visus salire ex summâ ejus  
arundine, omnes non tam exhilara-  
vit improvise gaudio, quàm in visis  
miraculo stupefecit. Et solidum  
gaudium gaudere potuissent, nisi  
loco parum commodo vena hæc  
erupisset. Sed ecce, novo miraculo  
dehi-

dehiscit terra, hiatuque tam lato sese aperit, ut templi parietes quassari clarè, & ruinam præsentem minari non obscure viderentur. Illicò in genua abjectus iterum NICOLAVS; ò benigne Deus, inquit, qui ex arente humo hac dignatus es limpidum nobis fontem educere, nunc quoque eo frui sine ædis tuæ detrimento clementer indulge. Vix tria hæc verba finierat (fidem penè superat, quod in omnium tamen oculis gestum est) pependere in aère sacræ ædis muri tamdiu immobiles, dum alio vorsum fonte derivato, ultimam operi suo manum fabri imposuerunt.

Haud facile creditu est, quàm latè sanctitatis ejus fama cum prodigiosis hisce aquis in vulgus emanarit: ut cives passim ægri ad monasterium concurrerent, medicamque ejus manum implorarent. Venit Verdiana, cui infestus morbus os oculosque pervererat & à naturali situ in aures fœdè distraxerat, rogavitque levi tantum NICOLAI manu tangi. Vir pius spectaculi

B 7

hor-

3.  
NICOLAVS  
oratione  
templi  
muri in  
aère sus-  
pendit.

4.  
Vultum  
mulieris  
perver-  
sum cor-  
rigit.